

Es ist aber auch zu wissen / daß zu gleicher weis / wie durch den Monatstag / der ort oder die stelle der Sonnen im Zodiaco gefunden wirdt. Also kan man auch hingehen / auß dem bekannnen oder bewusten ort der Sonnen

Ebenmäßiger gestalt / den Monatstag beyder Calender reichlich erlernen.

Im fall aber eines / mit den graden in erstberürtem Lauff der Sonnen / nicht wolte begnügt seyn / sondern denselbigen auch bey einem minuten erkündigen. Der solle wissen / daß solches inn diesem kleinen Instrument / so gar engentlich (sonderlich bey einem minuten) nicht kan getheilet oder gesest werden / mag aber solches ganz just vnd gewis / entweder auß den Tafeln (Tab. Pruten.) fürnehmlichen aber / auß den newen Ephemeridibus Herrn D. Origani, erlernen vnd sich erkündigen.

### Das dritte Capitel.

**Die höch der Sonnen / das ist / wie viel Grad dieselbige über den Horizont auffgestiegen vnd erhöht steht / jeder zeit zu finden.**



**D**ieses zu erkündigen / so henge das Astrolabium an dem grossen ring oder an einer schnur / gegen die Sonne / also daß es frey ledig / vnd vnvershinderlich still hangende gehalten werde.

Rucke die grosse Regel (auff der hinter sette) des Astrolabii, mit den löchlein gegen der Sonnen werts so lang vnd viel / auff vnd nider / biß deroselbigen (Sonnen) schein zu gleich beyde durchs oberste vñ vnter löchlein scheine / vnd lasse also die berürte  
Regel